

DISSERTATIO MEDICA

INAUGURALIS,

DE

RUBEOLOA.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S.T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

CADWALLADAR-BLAYNEY LEE.

HIBERNUS.

Societatis Chirurgo-Medicae Edinensis Socius.

Ad diem 24. Junii, hora locoque solitis..

EDINBURGI:

Apud BALFOUR et SMELLIE,

Academiae Typographos.

---

M,DCC,LXXIX.



Viro reverendo,

JOSEPHO WARREN, D. D.

Avunculo suo optimo,

Qui se amicitia, ab ineunte aetate,

Vera et intemerata profecutus est :

Nec non,

Viro reverendo

EDVARDO HUDSON, D. D.

Summa cum veneratione semper suspiciendo,

Qui et amici et praeceptoris

Officiis fidelissime functus est :

Denique,

Fratri suo delectissimo,

T H O M Æ L E E,

Armigero,

Qui fratris simul patrisque

Omnia obivit munera,

Et cujus amicitiam intemeratam,

Per totum vitae cursum servare,

Studio erit assiduo :

Hasce laboris medici primitias

Sacras esse voluit

A U C T O R.

# CORRIGENDA.

P. 5. l. 1. *pro redeo, lege eo.*

9. 1. in rubeola scarlatina, *lege in rubeola, scar-*  
latina.

12. 22. at ruberrimae, *lege et ruberrimae.*

39. 1. *dele eorum.*

Doctor Haskey  
wt. Compl't from his  
friend & very humb.  
the Author.



DISSERTATIO MEDICA

INAUGURALIS,

DE

RUBEOLOA.

**A**NTEQUAM ad inceptum redeo, pauca de *exanthematis* dicenda puto.

Quanquam hodie scholis in medicis *fermentatio* vel *ebullitio* et *despumatio* in febribus, vel *materia morbilica* ejusdemque *coctio*, quae quidem plerisque in exemplis meras hypotheses redolent, obsolescunt et merito rejiciuntur; in morbis tamen plerisque, qui sub hoc ordine sunt comprehensi, virus certum corpori admoveri, quod absorptione viiſve per quas spiritum trahimus

et

et emittimus, systema ingreditur, in modum fermenti forsitan in humores agit, eosque sibi similes reddit, et tandem ut febris oriatur, phlegmonaeque plures exiguae sese ostendant in cute facit, fatearis necesse est. In miliaria forsitan, et nonnullis aliis morbis, quos exanthematis accensuit Cullenus illustrissimus, papulae, quae in cute oriuntur, non a materia contagiosa corpori applicata proficiscuntur, sed a febris cutisve ea laborantium proprietatibus pendent. Rem ita sese habere posse, sequentia testantur, quod miliaria aliique morbi eam reddentes minus contagiosi sunt, quam qui a materia, ut variola, &c. corpori admota haud dubie oriuntur, et clare exanthemata idiopathica appellari possunt; quod rarius, ut multi memoriae prodiderunt, miliaria potissimum, nisi aegroti, inter febricitandum, calori nimio objiciantur, semet ostendunt. Exanthemata autem idiopathica ab iis, quae symptomata possunt vocari, notis sequentibus secerni consueverunt: Quod febrim spatii certi habent, quod eruptione generis



generis certi stipantur, quod plane contagione vulgantur, quod non saepius semel invadunt. A *febris* distingui videntur, quod affectum loco proprium constanter habent; a *phlegmasiis*, quod nullus affectus topicus ab initio usque adest, qui febrim et omnia signa movet. In exanthematis enim materia certa contagiosa systemati primum admovetur, et in id universum diffunditur; deinde, in modum causae febrium communis, in nervos agit febremque excitat; et postremo, humoribus sibi similibus redditis, eruptionem, febris antecedentis haud dubie sequelam, facit. Quae febris autem in exanthematis sese ostendit, ea est modo synocha, modo typhus, modo synochus, et in iisdem generibus aliis temporibus alia est. Quinetiam, silentio non praetereundum, effectus contagionis ad corpus applicatae pro loco, quorsum actio ejus potissimum dirigatur, diversos videri; namque, quanquam non sub initium, tamen semper ad extremum, plus minusve in locum singularem agit. Cursus autem ejus ad tria loca potissimum fieri videtur: 1. Ad cutem,

tem, quo impetus ejus plerisque in exemplis fit. 2. Ad glandulas faucium et bronchiorum mucosas, et etiam ad easdem canalis alimentarii proprias, uti in variola et rubecula videre est, ubi fauces magis minusve semper afficiuntur, et diarrhoea saepius oritur. 3. Ad glandulas lymphaticas aut conglobatas, ubi bubones excitat; cujus exemplum in peste et in aliis febribus clarum habemus. Materia, quae effundi consuevit, serum plerumque esse videtur. 1. Nonnullis in exemplis, ut in variola, in pus sponte mutatur. 2. Aliis in casibus, ut in pemphigo et erysipellate, ubi sub initium eandem omnino naturam habere videtur, nihil mutationis subit, aut saltem non in suppurationem abit. 3. Quibusdam, postremo, in exemplis, ubi materia non in tales portiunculas colligitur, ut de natura ejus oculi possint judicare, vix eam serum appellare audeamus; praesertim cum non sub forma fluida sese ostendat; aliquid tamen, cum squamulae et cuticula decidunt, in his, ut in aliis exemplis, effusum esse suspicari licet. Exemplum



emplum hujuscemodi in rubeola scarlatina, &c. offendimus. Alia denique exanthematum aliorum locorum quasi appetentiora esse videntur. Pleraque enim in facie numerosiora, miliaria in facie parcius, in reliquis corporis partibus abundantior. Erysipelatis proprium unum tantum locum tenere.

Haec indolem exanthematum nonnihil illustrabunt, et ad ea ab aliis pyrexiarum ordinibus fecernenda aliqua ex parte conferent.

## RUBEOLÆ DEFINITIO.

“ Synocha \* contagiosa cum sternutatione, epiphora, et tussi sicca rauca. Quarto die, vel paulo serius, erumpunt papulae exiguae, confertae, vix eminentes, et post tres dies in squamulas furfuraceas minimas abeuntes.”

B

E J U S-

\* Vid. Synop. Nosol. Cl. Culleni.

## EJUSDEM HISTORIA.

Morbilli eodem tempore, quo variola, quantum noverimus, apud mortales innotuerunt, et primum ab auctore Arabico, cui nomen Rhazis, seculo nono post Christum natum labente, sunt depicti. Pueros potissimum, omnesque in primis qui eodem subiecto degunt, invadere consueverunt. Eos antecedunt rigor calorque alterni, appetitus prostratus; lingua albida, tamen humida; tussicula; capitis et oculorum quasi gravitas; somnolentia; humoris acris in os, nares, et fauces destillatio. Sub hoc tempus acrimonia humoris, cujus mentio modo facta, aegroto sternutationem movet, et palpebrae adeo, ut caecitatem nonnunquam faciant, intumescunt. Nonnihil anginae aliquando subest, et vomitus, nausea, et diarrhoea saepe accedunt; quodque descendit plerumque subviride. Eruptionem protinus praecedunt anxietas praecordiorum et oppressio, pulsus cordis adaucti, pruritus faciei molestus,



lestus, magna irritabilitas et iracundia, praefertim in pueris inter dentiendum, qui semper hoc in morbo praeter consuetudinem sunt difficiles \*. Sanguis e naribus, et in mulieribus ex utero, saepe profunditur, vomitusque cruentus, quam in variolis, frequentior. Haec signa in tres quatuorve, nonnunquam in duodecim vel quatuordecim dies, antequam eruptio sese in conspectum det, manere solent. Nonnulli in rubeola quadam, quae Edinburgi ante aliquot annos epidemice grassata est, febrim absque eruptione, quae post aliquot menses, uti Gregorius illustrissimus memoriae prodidit, sese ostendit, habuerunt, et in aliis, qui ea ante laboraverant, omnia signa absque eruptione sunt orta. Si mulieres hysteriae opportunae, menstruis provenientius, morbillis corripiantur, in eas invadunt animi deliquium, spiritus difficilis, gulae constrictio, praecordiorum anxietas, et, his signis

\* Vid. Hoff. tom. 2. sect. 1. cap. 8. p. 63. Vid. Gr. Praelect. Vid. Med. Ess. vol. 5.



nis manentibus, eruptio se nunquam ostendit. In facie primum, morsus pulicum red-dentes, papulae se in conspectum dant, et gradatim coeunt. Nonnunquam in pectore et humeris primum erumpunt, et paulum supra cutem eminent, tactu, non visu, percipiendae. A facie et pectore in abdomen artusque inferiores semet diffundunt. Signa, eruptione ad finem perducta, non, ut in variola incidit, levare consueverunt; namque, quamvis in hac, eruptione finita, remittunt, vel ex toto evanescunt; in rubeola tamen per totum morbi decursum plerumque manent. Tussis et febris ingravescent, vomitio sola remittit; spiritus difficilis, contra, oculorum debilitas et epiphora, somnolentia perpetua, et appetentia cibi amissa, aegrotum, non minus exercent. Circa diem sextum papulae faciei asperae et siccae fieri incipiunt, et cuticula a cute vera disjuncta decidit; caeterum, in reliquis corporis partibus amplissima at ruberrima manent. Sub diem octavum, et faciei et reliqui corporis propriae ex toto fere evanescunt, faciem, artus,

artus, et totum aliquando corpus, quasi fure coopertum, relinquentes. Post morbum, tussis et spiritus difficilis, praesertim si regimen nimis calidum fuerit adhibitum, et alvus fusa quoque manent, quorum signorum postremum, ut aeger summo in periculo versetur, saepe facit. A regimine calidioris patechiae nonnunquam oriuntur, et papulae prius livescunt, deinde nigrescunt. Morbo inclinato, universi corporis pruritus accedit, et aegrotus, si morbus sit funestus, diem sub nonum fato concedit, et affectu pneumonico, cum diathesis phlogistica totum per morbum magnopere invalescat, extinguere consuevit. Tussis adeo singularis est, ut observatio sola notionem ejus justam alicui possit impertiri. Aliquando pro tussi aegrotum colica infestat. Nonnullis in exemplis \*, denique, rubeola cum variola fuit conjuncta.

Muli-

\* Vid. Sid. Obre de Variol. et Morbil. Vid. Macbride Method. Introd. Vid. Sauvag. Nosolog. Method.



Muliercula quaedam, quae apud Nosocomium Regium Edinense curae illustris Homii fuit demandata, hoc morbo extincta et postea incisa. Quae notae se ostenderunt, eae hujusmodi fuerunt. Trachea materia purulenta repleta est, quae in omnibus ejus ramis quoque apparuit. Membrana ejus interna inflammatione laboravit, sed nec ulcerata nec praeter naturam crassa fuit. Pulmones externi colorem naturalem habuerunt, et incisi vasa sanguifera sanguinis plena ostenderunt, qui et ex his et tela cellulosa, praesertim lobi dextri, liberaliter profluxit. Nihil vero inflammationis, duritiei, ponderis, aut congestionis apparuit. Rubecula a peripneumonia hoc differre videtur, quod pulmones in hac semper duri gravesque sunt, et signa inflammationis ad extremum manent. In exemplo vero supra posito, omnes inflammationis notas sustulit postrema sanguinis detractio. Mors denique aegrotae, modo comprehensae, a materia purulenta in trachea ejusque ramis collecta, potius



tius quam ab ulla pulmonum inflammatione, oriri visa est.

## D I A G N O S I S.

Hic morbus a variola signis sequentibus potest secerni, sternutatione, humoris ex oculis destillatione, et tussi sicca, quae eruptionem antecedunt, quaeque raro aut nunquam in variola sese ostendunt. Quinetiam pustulae non supra cutem eminent, nec supuratione, ut in variola incidit, finiuntur; sed plerumque, instar squamularum, decidunt, nullum morbi vestigium notabile relinquentes.

In miliaria, papulae incerto morbi die erumpunt, nunquam in facie, magis eminent, humorem plerumque aquosum continent; odore faetido, nulla vero tussi aut sternutatione, stipantur.

Ab aliis autem exanthematum generibus rubeolam adeo accurate, in Nosologia sua, secrevit ingeniosus noster et celeberrimus

Cul-

Cullenus, ut notas, quibus ille in hac et illis distinguendis fuerit usus, hoc in loco percurrere parum necessarium esse ducamus.

A catarrho, tussi ficca et rauca, quae catarrho laborantibus plerumque humida est, affectu oculorum graviore, sternutatione magis violenta, aegrotum rubeola nunquam ante laborasse compertum habendo, et morbo denique locis in vicinis epidemice grassante, potest distingui.

#### CAUSÆ QUÆ PROCLIVITATEM AD MORBUM DANT.

Quod maximam ad hunc morbum proclivitatem facere videtur, id est, eo nunquam ante laborasse. Seminium praeterea in corpore latere, hocque contagioni adjungi oportere, alioquin morbum non posse moveri, opinantur nonnulli. Aliquid vero amplius ad morbum excitandum necessarium esse existimamus; namque, si res ita fe-

fe



se haberet, mortales, qui eo ante non fuerant correpti, omni tempore absque ullo discrimine invaderet. Observatio vero quotidiana eosdem diversis temporibus contagioni magis minusve patere demonstrat. Et corpora mortalium, si quibuscumque causis insigniter debilitata sunt, contagione, cujuscunque fuerit generis, facillime affici posse videmus. Omnia, igitur, quae vires corpori convellunt, homines, nostro judicio, huic morbo opportuniore reddere possunt, qualia sunt, metus, frigus, alimenti salubris inopia, ebrietas, venus nimia, defatigatio. Nonnullis quidem ex hisce causis pueri, quos potissimum rubeola infestat, objici nequeunt; adultos tamen contagioni magis obnoxios, haud dubie nonnunquam efficiunt.

### CAUSÆ QUÆ MORBUM EXCITANT.

Contagionem autem specificam hunc morbum movere, et homines semel tantum

C

per



per totum vitae decursum afficere, consueſſe, neminem poteſt latere. Modus vero, quo haecce contagio in ſyſtema humanum agat, medicis optimis et ſagaciſſimis, quos ſecula viderint recentiora, argumentum diſputationis diu praeſtuit, et diu forſitan praeſtabit. Caeterum, nec obſcuritatem et difficultates, quibus in praefentia involvatur, cum humeri noſtri onus tam grave ferre recuſent, tollere, nec aliquid novum, cum theoria, quae hodie hac in academia invaleſcat, quamque, ut ducem ſequi decrevimus, ne minima quidem ex parte a vero abhorrere videatur, proferre conabimur. Haec autem tradit, materiam contagioſam in modum fermenti agere, et humores corporeos ſibi ſimiles reddendo, tales mutationes in ſyſtemate nervoſo et ſanguifero facere, quales morbum conſtituunt. Quae argumenta rem ita ſeſe habere teſtantur, ea ab exemplo variolae peti poſſunt. Hic enim particula materiae minima ſummo ſcalpello, quod in puſtulam morbo laborantis fuit demerſum, adhaerens, et cuticulae cujuſlibet ſani inſita, ut centum  
aut

aut mille pustulae oriantur, faciet, quarum unaquaeque fermentum similis generis evadet, morbumque in aliis hominibus movebit. Auctus autem pustularum hujusmodi per analogiam fermentationis tantum potest exponi.

Contagia vero in modum fermentorum agentia tales mutationes in massa humorum circumeuntium faciunt, quales eam in posterum adversus contagia ejusdem generis ex toto tutam reddunt. In quibus hae mutationes consistant, haudquaquam explicare valemus, nec hoc unquam forsitan assequetur humana investigatio.

### CAUSA PROXIMA.

Nonnulli materiam contagiosam, quae corpori admovetur, morbumque movet, pro hac habuerunt; hoc vero nihil aliud quam causam excitantem modo positam et proximam eandem esse dicere: Quod absurdum est. Causa quidem proxima omnium morborum,



borum, qui a contagione proficiscuntur, magna ex parte mortales lateat necesse est, cum natura contagionis vera, cumque effectus primarii, quos in systema edat, ex toto fere sint ignota. Alii, contra, diathesin phlogisticam, quae hoc in morbo quidem magnopere invalescit, causam proximam esse credunt. Haec vero in omnibus morbis febrilibus, in aliis, ut rheumatismo, aequè, in aliis minus graviter, dominatur; pro causa tamen proxima nunquam habetur. Quinetiam, cum omnia rubeolae signa decesserunt, manere solet, aegrotumque sæpe pneumonia adficit. Signa vero morbi, causa proxima substantive, decedere nequeunt, utpote quae ab ea ex toto pendeant, et, uti Gaubius \* illustris testatur, ea ablata, tantum tollantur. Quidnam igitur pro causa proxima habebimus? An acrimoniam illam, quae in omni fere exanthemate totum per corpus evidenter diffunditur? Haec forsitan contagii in corpus agentis primus effectus est,

\* Vid. Gaub. p. 18. sect. 60. 61.



est, et, quanquam naturam ejus non possumus rite exponere, ad diathesin phlogisticam movendam videtur non male accommodari. Hanc conjecturam de causa rubeolae proxima potius faciendam, quam nihil omnino dicendum, putavimus.

### NONNULLORUM SIGNORUM RATIO.

Cum causa rubeolam continens tanta obscuritate involvatur, signorum ratio difficilius reddatur necesse est. Quod vero potuerimus, id conabimur. Cum vero multa huic cum aliis morbis acutis sint communia, quaeque a perspiratione obstructa, auctaque vasorum actione, oriantur, ea omnia silentio praetermittenda ducimus, et ea sola, quae morbo magis propria, attingemus.

Reliquis in febribus inflammatoriis acutis lingua fere semper arefcit; et hoc haud dubie a calore nimio, spasmusque febrili per omnes partes internas aequae ac externas diffuso,

diffuso, proficiscitur. In hac vero semper madescit, quod Sydenhamium, virum in primis sagacem, minime fugit. Cum vero plerique hoc morbo laborantes aetatem puerilem nondum sint transgressi; namque morbus in aetatem provectiorem rarius differtur, et iis, quam aliis quibus plus aetatis accessit, vascula exhalantia molliora et apertiora sint; et igitur humores, quibus os et lingua madefieri soleant, liberalius fecernant; auctorem modo comprehensum infantes et juniores solos significasse opinamur. Infuper, calor rubeolae proprius varioloso minor est; et idcirco, refrigerantibus rite adhibitis, et aegroto, quantum alia spectat, probe curato, limitibus angustioribus contineri potest, linguamque forsitan exsiccare nequit.

Sanguis ex utero iis mulieribus potissimum erumpere consuevit, quas, menstruis proventuris, morbus occupaverat. Hoc vero minime mirandum. Namque hoc tempore, cum mulieres nempe menstruis mox sunt purgandae, sanguis in vasis uterinis



rinis eo usque congestus est, ut inde non profundi non possit.

Si sanguinis vomitio accedat, haud dubie a nimia vasorum ventriculi plenitudine, impetuque sanguinis adaucto, proficiscitur. Cur vero haec in rubeola potius, quam in variola, aut quolibet alio morbo febrili epidemice grassante, eveniat, aequè inexplicable, uti Hoffmannus testatur, ac seminii morbi ipsius natura.

Quantum ad pustularum eruptionem attinet, qui de materia morbifica plurimum ambigunt, eam hic subesse plane fatentur. Cum autem in humores diffundatur, aegrotus servari nequit, nisi haec materia foras expellatur. Natura igitur, quae mortales ab injuriis summa cum cura defendit, et omne nocivum, quod subest, e corpore diligenter expellit, hanc materiam, systematici adeo inimicam, ex eo omni ratione exigere conatur. Pars ejus e corpore excretionibus alvinis, urina, et perspiratione, rursus expellitur. Reliqua infra cuticulam deposita vasculis extremis stimulo est, et actionem



tionem eorum adauctam movet, quae tandem ut pustulae oriantur facit.

Quantum ad tussim et dyspnoeam spectat; hae a causa duplici possunt proficisci. Quae materia e pulmonibus constanter exhalat, ea perspirabilem quam maxime reddit. Materiam autem morbillosam e corpore sub hac forma potissimum expelli compertum habemus. Nihil vero obstare videtur, quo minus inde pulmones irritentur, et contractionibus spasmodicis afficiantur. Quinetiam, in historia morbi, diathesin phlogisticam constanter adesse, et cursus sanguinis morbidus ad pulmones facillime fieri posse, supra comprehendimus. Hinc nonnihil inflammationis potest oriri, quod tussim et dolorem, quae conditionem hujusmodi fere comitantur, movere valet. Propter dolorem autem aegrotus non spiritum aequè libere et facile poterit trahere, ac, valetudine commoda substante, consuevit.

*Palpebrae intumescent.* Materia morbillosa non tantum perspirationem et urinam, sed omnes liquores excretos aliqua ex parte  
mutare

mutare videtur, adeo ut liquor e glandulis lachrymalibus secretus aliquantum acris evadat, et dolorem, tumorem, et secretionem lachrymarum adauctam ductus excernentes stimulando et oculum irritando faciat.

*Sternutatio.*—Haec nonnunquam a motu diaphragmatis convulsivo, sed saepissime ab aliquo stimulo naribus admoto, oritur. Hoc in morbo igitur per mucum, membranam narium internam stimulo adficientem, eam moveri concludimus.

## MORBI EVENTUS.

Si aegroti rite curentur, et contagio non admodum epidemice grassetur, rubeola raro funesta, et nonnunquam adeo mitis, ut auxilium medicinae vix sibi depostulet. Quae finem morbi faustum fore praesagiunt, ea sunt, diarrhoea; magna urinae excretio; sanguinis e naribus, capite aut pectore multum affecto, profusio; sputum liberum copiosumque tussim siccam excipiens; sub  
D diem



diem quartum quintumve ab initio, cutis in squamulas abiens, superficies ejus aspera et quasi furfure conspersa. Homius illustris memoriae prodit signa omnia eo graviora esse, quo tardior fuerit eruptio, quod nemo ante eum notandum curavit. Pessimum, contra, fore portendunt peripneumonia, potissimum diarrhoeae symptomatae adjuncta, sudores nimii corpusque digerentes, lassitudo magna, dolores graves fixi papularum eruptionem antecedentes, dolores violenti capitis et oculorum post eruptionem manentes, petechiae; papulae subito et ante tempus retrocedentes, praesertim si hisce succedant delirium vel peripneumonia, tremorum frigoris sensus, inquietudo, devorandi difficultas, tremores, paroxysmi convulsivi et epileptici, papulae faciem lividam et scorbuticam prae se ferentes.

RATIO



## RATIO MEDENDI.

Consilia autem huic morbo medendi tria sunt : I. Diathesin inflammatoriam tollere. II. Signis catarrhi occurrere. III. Sequelas morbi vitare.—I. Diathesin inflammatoriam tollere. Huic consilio respondent sanguinis emissio, purgantia, regimen antiphlogisticum.

*Sanguinis detractio.*—Haec est remedium in auxilium diatheseos inflammatoriae, quae in rubeola subest, longe promptissimum. Sydenhamius quidem et alii ea sub initium abstinere consueverunt, ne vasa sanguifera aliqua ex parte deplere papularum eruptionem impediret. Caeterum, observatio quotidiana hoc nunquam incidere ; sed, contra, eruptionem papularum ea accelerari testatur. Optimum est, inquit \* Meadus celeberrimus, si fieri potest, ad eam, antequam

\* Vid. Mead's works.

quam papulae erumpunt, decurrere; si vero jam sese ostenderunt, ab ea nihilominus temperare non convenit. In eandem fere sententiam concessit Professor noster venerandus Cullenus \*. Quolibet morbi tempore, inquit ille, vel spatio morbi solito ad finem perducto, tuta est, et tussi, dolore pectoris, et spiritu difficili gravibus, potissimum necessaria esse videtur. Cum papulae jam eruperunt, ea rarius opus est, quoniam per febrim, quae eruptionem comitatur, pneumoniae notae non saepe accedunt, et tussis eo tempore signis infaustis non potest annumerari. Non raro quam plurimum prodest, feбри inclinata et tussi post morbum manente. In omnibus denique rubeolae exemplis, ubi nulla adsunt putredinis signa, et ubi non est cur ex indole morbillorum epidemice grassantium eam accessuram esse concludas, sanguinis detractio remedium est, in quo summa fiducia semper collocanda.

*Purgantia.*

\* Vid. Cl. Cull. prim. Lín.



*Purgantia.*—Secundum sanguinis detractionem haec signa febrilia efficacissime levant. Caeterum caute adhibeantur; namque, si corpus, dum agunt, frigori nimis libere objicitur, metus est, ne signa catarrhi ingravescant. Quae cathartica potissimum necessaria sunt, ea sunt quae corpus refrigerant, qualia sunt sales medii, tamarindorum decoctum, &c. Haec adeo sunt danda ut alvum modice solvant, et ita stimulus, quo faeces durae redditae systema afficiunt, tollatur. Enemata laxantia, singulis diebus adhibita, utpote quae non tantum ventrem astrictum fundant, sed etiam pueris, qui potum recusant, humorem diluentem sufficiant, hoc in morbo sunt utilissima. Monroius celeberrimus, qui in sententiam longe diversam ivit, se per totum morbi spatium cathartica successu cum prosperrimo adhibuisse refert.

*Regimen antiphlogisticum.*—Hoc non minus in rubeola, quam in reliquis morbis febrilibus, utile. Hic autem, quatenus aër frigidus ad corpora aegrotantium tuto possit adspirare,



adspirare, quaeri potest. De hoc apud medicos optimae notae multum acriterque fuit certatum. Quidam, cum aër frigidus liberaliter admissus in febre, quae eruptionem pustularum in variola comitatur, tantopere profit, eundem idem in rubeola praestitutum esse sunt opinati. Regimen quidem calidum in hoc, ut in plerisque aliis inflammationem habentibus morbis, summae noxae fore compertum habetur\*. Impensius calefacientia, inquit Hoffmannus, cum nimio externo calore, materiam deteriore ac subtiliorem reddendo, aestum cum anxietate augendo, et vires dissipando, nocent. Licet vero utilitas aëris frigidi in febre †, quae eruptionem papularum in variola comitatur, ut ad usum ejusdem aeque liberalem confugiatur, suadere videatur; catarrhum tamen cursusque humorum ad corporis interiora factos hoc vetare putamus. Multa etenim exempla non desunt, ubi aër frigidus,

\* Vid. Hoff. tom. 2. cap. 8. p. 64.

† Vid. Cl. Cull. Prim. Lin.

frigidus, cur papulae, postquam sese in cute ostenderant, evanuerint, in causa fuit, et multa quoque apud auctores reperiunda, ubi eadem, calore rursus applicato, in corpore summo apparuerunt. Hoc igitur inducti, nec nimium frigus nec nimium calorem adhiberi debere putamus; namque ‘in medio,’ uti Ovidius ait, ‘tutissimus ibis.’ Corpus in modica temperie per totum morbi decursum habendum. Namque aërem frigidum in casu, quem apud Nosocomium Edinense offendit, liberaliter absque successu adhibitum fuisse, refert Homius illustrissimus. Cibus animalis constanter vitandus, vegetabilis potissimum adhibendus. Potio modice calida et dilutior sumenda; sed frigida et omnia acida, utpote quae tussim adaugeant, fugienda. Liquores mucilaginosi reliquis praestant.

II. *Signis catarrhi occurrere.*—Quae remedia huic consilio respondent, ea sunt emetica, opiata, stimulantia, epispastica, et balneum calidum, potiusve tepidum.

*Emetica.*



*Emetica.*—Haec in rubeola in primis necessaria sunt ; namque vi sua antispasmodica spasmus arteriis illatum solvunt, cursum humorum cutem versus faciunt, sputum spasmo vasculorum exhalantium magna ex parte suppressum liberius efficiunt, et impetui humorum ad tracheam, laryngem, et bronchia facto obsistunt. Horum autem ex antimonio praeparata, potissimum tartarus emeticus, sunt optima. Portiunculis, quae nauseam moveant, data, et diaphoresin et alvum movent. Per febrim, quae eruptionem comitatur, danda. Non raro, vomitione ad finem perducta, eruptio copiosa se ostendit, tussis levatur, et tertio post eruptionem die omnia signa decedunt. Sanguis vero, ne, propter diathesin inflammatoriam, affectus loco proprii vomitionem excipiant, praesertim si pulsus arteriarum nec molles nec parvuli sint, prius mittendus.

*Opiata.*—Haec haud dubie, cum tuto possunt adhiberi, tussim efficacissime levant, et plus forsitan in rubeola, quam quolibet alio morbo, profunt ; cum non tantum tussim



sim leviores reddant, sed quietem somnum-  
que, quod ad vires reficiendas magnopere  
confert, aegrotis comparent; sed etiam fe-  
brim minus concitatam efficiant, et spas-  
mum vasorum extremorum solvendo, ad ma-  
teriam morbillosam foras expellendam non  
parum conferre videantur. Sydenhamius \*  
ut opium singulis noctibus daretur suavit.  
Quinetiam vir celebris † Dr Young, in li-  
bello, quem de opio conscripsit, verba se-  
quentia habet: “Nonnullos, inquit, pue-  
ros tussiendo adeo defatigatos, ut maculae  
maturius justo pallefcerent, et succumbere  
morbo natura jam inciperet, opio semel da-  
to, brevis horae spatio in melius restitutos,  
dolores confopitos, maculas evanescentes re-  
vocatas, oculorum vividam gratiam reduc-  
tam, voci tonum salutarem et matri spem  
amissam rediisse, videre mihi contigit.” O-  
piata tamen caute sunt adhibenda. Igitur  
super usu eorum magni et eruditi Culleni  
E verba

\* Vid. Syden. op.

† Vid. Young, p. 155.

verba ipfa proferam. “ In \*the measles,” inquit ille; “ in which an inflammatory state prevails in a confiderable degree, opiates may be fupposed to be inadmittible; and, in thofe cafes in which a high degree of pyrexia and dyfpnoea fhew either the prefence, or, at leaft, the danger of pneumonic inflammation, we think that opiates might be very hurtful; but, in cafes in which the dyfpnoea is not confiderable, and in which bleeding, to obviate or abate the inflammatory ftate, has been duly employed; in fuch cafes, while the cough and watchfulnefs are the urgent fymptoms, we think that opiates may be fafely exhibited, and with great advantage. I think, further, that, in all exanthemata, there is an acrimony diffufed over the fystem, which gives a confiderable irritation; and, for obviating the effects of this, opiates are ufeful, and always proper, when no particular contra-indication prevails.”

*Epif-*

\* Vid. Cl. Cull. Prim. Lin.



*Epispastica.*—Haec plurimum profunt, cum magna humorum acrimonia subest, et oculos, nares, faucesque adficit. Si papulae subito evanescant, pulsusque arteriarum parvuli et exiles evadant, epispastica ad eruptionem restaurandam quam optime accommodantur. Caeterum, si pulsus pleni et duri sint, et papulae subsidant, sanguinis extractio illis praestat. Missio sanguinis et epispastica par statum hujus morbi inflammatorium utilissima sunt, cum tussis molesta sputumque difficile, cum non solum ad signa catarrhi tollenda, sed etiam ad actionem systematis sanguiferi imminuendam, plane conferant.

*Balneum calidum.*—Hoc autem relaxat, tensionem systematis minuit, et eruptionem tarde sese ostendentem accelerat. Caeterum, summa cura, ne calor aquae corporis humani sani proprium excedat, nunquam non adhibenda.

Si vero rubeola, ut Londini annis 1763 et 1768 \* incidit, ad putredinem vergat, ratio

\* Vide Medical Observations and Inquiries.



ratio medendi non parum mutanda. De-  
tractio sanguinis multo minus liberalis esse,  
et non tam saepe reiterari debet. Brevi  
postea ad refrigerantia et lenia antiseptica  
confugiendum. Cubicula, ubi aegroti de-  
cumbunt, spatiosa et a calore nimio immu-  
nia sint. Potio communis sit decoctum  
pectorale, cui aliquantum simplicis oxymel-  
lis, vel decoctum hordeaceum, cui aliquan-  
tum aceti accessit. Si cutis admodum arida,  
inquietudo admodum magna, et omnia sig-  
na gravia, aegrotus in aquam tepidam, non  
absque commodo, potest demitti. Si spiri-  
tus gravis et oppressus sit, in auxilium hujus  
prompta sunt epispastica. Quamprimum  
vero signa debilitatis sese ostendere, et pro-  
clivitas ad putredinem evidens et manifest-  
ta accedere incipiunt, ad vinum et decoc-  
tum corticis Peruviani protinus decurren-  
dum. Si usus corticis Peruviani spiritum dif-  
ficiliorem, quod nonnunquam accidit, effi-  
ciat, in locum ejus radicem serpentariae Vir-  
ginianae, quae quidem multo minus prodest,  
substitues. Hisce et omni alia denique ra-  
tione

tione contra putredinem, hostem haud dubie formidolosum, constanter et enixe pugnandum.

III. *Sequelas morbi vitare.*—Quae vitia hunc morbum potissimum subsequuntur, ea sunt affectus pneumonici. Hisce, uti optimi auctores testantur, modicis et saepe reiteratis sanguinis detractionibus; epispasticis, diaphoreticis, et omnibus aliis quae cursum humorum a pulmonibus ad partes externas faciunt, et regimine antiphlogistico constanter adhibito, occurrere pro virili conandum. Quinetiam, sequelas hujus morbi periculosas vitandi consilio ad insitionem rubeolae decucurrit Homius illustrissimus\*, opinione Monroniana, rem bene cessuram esse aliqua ex parte inductus. Ausum quidem laudabile, et ad felicitatem mortalium conservandam et provehendam, in primis accommodatum! Tredecim experimenta instituenda curavit, quorum pleraque votis responderunt. Morbum autem per fila xy-  
lina,

\* Vid. Cl. Home, Med. fact.



lina, sanguine rubeoloſo intincta, et in incisiones brachiorum eorum, quos morbo erat obſecturus, demiffa, excitare confuevit, et omnia ſigna morbum praecedentia, comitantia, ſubſequentia multo leviora eſſe, quam cum morbus ſponte accedit, comper- tus eſt. Namque nec febris concitata, tuſſis moleſta, inquietudo, notae inflammationis graviores, rubeolam inſitivam comitata ſunt; nec eandem, uti ſolent, ſubſecuta ſunt ophthalmiae, tuſſis indomita, febris hectica, pulmonum ulcera. Haec igitur inſitionis pericula a viro jure quidem celeberrimo, cum ſucceſſu tam proſpero facta, aliis debent ſuadere, ut idem quam plurimis in exemplis, in commodum generis humani, conentur.

Hac diſſertatiuncula ad finem jam perducta, tantum reſtat ut omnibus hujus Academiae Profeſſoribus, praefertim viris illuſtriſſimis Alexandro Monro et Franciſco Home, grates perſolvam. Complures gentis Scoticae quoque alii ſunt, quorum, amicitiam

citiam eorum stabilem saepe expertus, animo grato semper reminiscar, “Dum memor ipse mei, dum spiritus hos regit artus.”

F I N I S.



the first part of the reign of  
King Henry the Fourth  
from the year 1399 to 1413

THE HISTORY OF

the first part of the reign of  
King Henry the Fourth  
from the year 1399 to 1413  
by John Gower  
in four books  
the first book  
the second book  
the third book  
the fourth book